

# DAFIDA

le Goliata



**MAPULA MARTHA MALATJI**

*Diswantšho ka Jonanda Kannemeyer*

## **DAFIDA LE GOLIATA**

© 2023 One Heart  
Kgatišo ya pele 2023  
E gatišitšwe Afrika Borwa  
ISBN: 9781776475865

***Puku e ka phatlalatšwa ntle le tefo, efela go kgahlanong le molao go e rekiša. Puku e humanwa go [www.oneheartforkids.co.za](http://www.oneheartforkids.co.za).***

Ka tumelelo ya bagatiši, puku e ka abelanwa ka go gatišwa, go fotokhophiwa goba ka mokgwa wa eletroniki. Puku ga se ya swanela go fetolwa ka mokgwa ofe goba ofe. Go kgopela tumelelo ya go gatiša puku o ka ikgokaganya le bagatiši.

One Heart  
17 Pelikaan Street  
Stellenbosch, 7600  
South Africa  
[www.oneheartforkids.co.za](http://www.oneheartforkids.co.za)

Mongwadi: Dr. Mapula Martha Malatji  
Mothaladíswantšho: Jonanda Kannemeyer  
Morulaganyi: Elizabeth Phala  
Motlanyi: Imprint Publishing

Dikanegelo Tša Beibele  
**TESTAMENTE YA KGALE**

**1 SAMUEL 17**

**DAFIDA**

le Goliata



**M**o nakong ya bogologolo lefelong leo le bitšwago moedi wa Ela, go be go na le senatla seo se bitšwago Goliata. O be a le yo mogolo kudu e bile a tiile, gomme e be e le karolo ya sehlopha sa bahlabani bao ba bitšwago Bafilisita. Bafilisita le Baisiraele e be e le manaba, gomme gantši ba be ba lwantšhana.

Ka letšatši le lengwe, Bafilisita le Baisiraele ba kgobokana ka mahlakoreng a fapanego a moedi. Goliata a tla pele gomme a goeletša a re: “Kgethang yo mongwe wa banna ba lena gore a tle a lwe le nna! Ge a ka kgona go fenyana nna, re tla ba bahlanka ba lena, eupša ge nka mo fenyana, le tla ba bahlanka ba rena.”

Goliata o be a le mogolo kudu a tšhoša moo mašole a Baisiraele a ilego a tšhoga kudu. Go be go se na motho yo a bego a nyaka go lebana le yena ntweng.

Gareng ga Baisiraele, go be go na le mošemane yo monyenyane a bitšwa Dafida. E be e se lešole. E be e le modiši yo a bego a hlokomela dinku tša tatagwe. Dafida o be a na le tumelo ye tiilego go Modimo, a le sebetse kudu. Ge a ekwa tlhohlo ya Goliata, a re: “Ke tla ya go lwa le senatla.”

Kgoši Saulo o be a na le Baisiraele moeding, gomme a re go Dafida: “O lesogana le leswa, gomme Goliata e bile mohlabani go tloga bosweng bja gagwe.”

Eupša Dafida a araba a re: “Ke bile ka hlokomela dinku tša tate. Ge tau goba bere e etla go rwala nku go tšwa go mohlape, ke be ke e latela, ka hlakodiša dinku molomong wa yona. Ge e retologela go nna, ke ile ka e itia ka e bolaya. Ke bolaile tau le bere gore ke šireletše dinku tša ka.” Ka gona Kgoši Saulo a nea Dafida tumelelo ya go lwa le Goliata.





Dafida a topa maswika a mahlano a boreledi moeding wa kgauswi, gomme o be a na le seragamabye. Goliata a mo sega. A re, “Naa ke mpša yeo o tlogo go nna ka dithupa?” Eupša Dafida a fetola a re: “O tla go lwa le nna ka tšhoša le lerumo, eupša nna ke tla ka leina la Morena Ramaatlaohle, Modimo wa madira a Isiraele.”

Ke moka Dafida a tsentsha leswika ka gare ga seragamabye sa gagwe, a le šikinya moyeng, a le tlogela le fofa. Leswika le ile la thula Goliata thwi phatleng, gomme Goliata a wela fase, a fentšwe. Senatla se be se sa tiya go swana le go bota Modimo ga Dafida.





Madira a Bafilisita a ile a tšhoga, gomme  
mašole a Baisiraele a hlaba mokgoši wa  
phenyo. Ba ile ba kitimiša Bafilisita, gomme  
Dafida ya ba mogale. O bontšhitše gore le ge  
motho a ka ba yo monyenyane, a ka dira dilo  
tše dikgolo ka tumelo le sebetse.









## **Thapelo**

Morena yo a rategago, re a leboga gore ka go swana le Dafida, re ka tshepa gore O na le rena, go re thuša go fenyā dinatla maphelong a rena.

## **Dipotšišo**

1. Bafilisita le Balsraele ba be ba kopanetše kae go lwa?
2. Ke mang wa go dumelela Dafida go lwa le Goliata?
3. Goliata o fentšwe bjang?
4. Goliata o bethilwe ka maswika a makae, ke a makae ao a sa šomišwago?
5. Ke ka lebaka la eng Dafida a ile a lwa le Goliata?

## Magoši a go Segana

**K**galekgale go be go na le dikgoši tše pedi di agile godimo ga dithaba tša go batamelana. Thabeng ye nngwe go be go buša kgoši Manaswe, ka go ye nngwe go buša kgoši Sebati. Dikgoši tše, di be di hloyane, di phela ka go segana. Ga kgoši Sebati go be go lemiwa mašemo a mabele, basadi ba setla, go ruilwe dikgomo, go nwewa maswi, go jewa nama. Ga kgoši Manaswe go be go ratiwa go ja dijo tša go ba le swikiri ye ntši.

Badudi ba gona ba be ba okeditše mebele kudu e ke ba a phadišana. Gareng ga dithaba tše go be go na le makgema a a bego a emetše woo a ka lekago go sela.

Bontši bja batho ba kgoši Manaswe bo be bo fetšwa ke makgema a beilwe ke kgoši Sebati. Le bona ka gore ba be ba ikimela, ba be ba sa kgone go šia makgema le ge ba be ba nyaka go ya go ithuta ka moo ba ga kgoši Sebati ba bego ba phela ka gona.

Go be go tsebega gore makgarebe a ga kgoši Sebati a be a kgethiwa go ba bommasebotsana ba naga ya Afrika-Borwa, mola ba motse wa ga kgoši Manaswe le go leka ba sa leke.





Tšatšing le lengwe leribiši la lla bošego godimo ga ntlo ya kgoši Manaswe. A tsoga go le koba, lona la lla go fetiša. La bolela gore kgoši a kgethe mo motseng monna yo a tlogo kgona go seleta thabeng ya ga kgoši Sebati go lebelela se ba fepago mebele ya bona ka sona. La bolela gore lona le tla swariša makgema boroko gore yo a romilwego a kgone go feta.

Kgoši Manaswe a kgobokantšha masogana e se gosasa. Mo go ona gwa ba senatla sa mešifa e lego Monyepao. E be e se fela mešifa ya mmele, e be e le ya go ba le tumelo go Modimo. Monyepao a kgethiwa le ka gore o tseba le polelo ya thabeng ya ga kgoši Sebati.

O dutše digwedi tše pedi fela. A boa le Mosima mosadi yo mobotse yo a tlogo ruta setšhaba ka ga dijo tša go lokela mmele. Setšhaba ge se bona ebile se kwa Mosima le Monyepao, sa thoma go se rate dijo tša swikiri gobane di senya mebele. Makgarebe le masogana a thoma go itšhidilla mebele.

Dipoelo tša kgahliša kgoši mo e ilego ya eletša makgarebe go tsenela diphadišano tša bommasebotsana. Dikgoši tše pedi tša thoma go gwerana, tša kwana gore Monyepao le Mosima ba nyalane. Afrika-Borwa ya thoma go lebelela dithabeng go hwetša bommasebotsana.





## **Thapelo**

Modimo Tate, re phafošé gore re phakgame borokong  
bja go se hlokomele mebele ya rena. Re rute go se  
sege ba ba šitwago mo bophelong.

## **Dipotšišo**

1. Goreng dikgoši di be di segana?
2. Kgoši Sebati o be a beile molaba wa eng gare ga dithaba?
3. Ke eng se se bego se senya mebele ya batho ba kgoši Manaswe?
4. Bolela molaetša wo o tfilego ka leribiši.
5. Naa o ka rata go ba le mešifa ya mmele goba ya tumelo go Modimo?


## **Mantšu a maswa**

**Makgema** = batho ba go ja batho

**Leribiši** = nonyane ya go fofa bošego

**Makgarebe** = banenyana ba ba godilego


**Dafida le Goliata ke ye nngwe ya dipuku tše 20 tše di bontšhago dikanegelo tše 10 tša Testamente ya kgale le tše 10 tša Testamente ye ntshwa, moo ye nngwe le ye nngwe ya tšona e nago le ditiragalelo-maphelong, di ithekgile ka tša Beibele.**



Puku\_1



Puku\_2



Puku\_3



Puku\_4



Puku\_5




Puku\_6



Puku\_7




Puku\_8




Puku\_9



Puku\_10




Puku\_11




Puku\_12



Puku\_13



Puku\_14




Puku\_15



Puku\_16




Puku\_17



Puku\_18



Puku\_19



Puku\_20

## **Dafida le Goliata**

Kanegelo ya Dafida le Goliata e re gopotša gore go se šetšwe gore mathata a rena a ka bonagala e le a magolo gakaakang, re ka lebelelana le ona ka sebete le tumelo.

## **Magoši a go Segana**

Pukung ye re ithuta gore ga re a swanela go khutiša bokgoni bja rena. Re bone ka moo Monyepao le Mosima ba kgonnengo go ntšha setšhaba mathateng a go se fepe mebele gabotse.



9781776475865

Sepedi